

# ЛЕНИН'Я

УАССР-ысь Вавож ВКП(б) райкомлэн но райисполкомлэн газетсы

1939 аре

4 июне

№ 29 (462)

7 тй арзэ потэ

## Отлично дасяськоно ю октон-калтонлы

Колхоз'ёслэн социалистической бусыосазы кизем юос тулыс зор'ёс ортчем бере жог будыны кутскизы. Озимой культураос жоген шепяскыны кутскозы, соин ик вуэ ответственной дыр сталинской 8 миллиард пуд ю-тысь понна нюр'яськон—ю октон-калтон.

Колхозник'ёсын но агроном'ёсын яратыса бюджетэ урожаёз октон-калтонлы по-большевицки, отлично дасяськоно,—колхоз'ёслэн, МТС'ёслэн но земельной орган'ёслэн первостепенной уженызы луэ.

Ю октон-калтонлы дырыздыр'я, образцово дасяськоно уж луэ исключительной важностен, ибо „Октыд калтыд ке дырыздыр'я—утйд, октонкалтонны бере кылд—келяд“ (Сталин).

Та сталинской положение уно пример'ёсын подтверждатся каре. Ср-Волково сельсоветысь „Лумпо“, „Буд-Уча“ но „Буд-Пельга“ колхоз'ёслэн кивалтысьёсы кылем арын ю октон-калтонлы дасяськоноз самотеке лэзизы. Та колхоз'ёс уборкалы урод дасяськызы, ю октон-калтон сельхозмашинаосты дырыздыр'я ремонтировать карыса ёз быдтэ вал, уборка дыр'я машинаос сылызы. Туэ но та колхоз'ёс уборкалы урод дасясько. „Лумпо“ колхозын 7 аран машинаос лыд'ясько,

соос оgez но ремонтировать каремын ёвёл, кытчы ке сурем куямын.

МТС-ёс но уборочной машинаосты ремонтировать карыны ёз кутске на, кутскем гинэ ёвёл куд-оgez машинаос кылем арын уборка ортчем дырысь колхоз'ёсын кыллэ. Волипельга МТС-лэн комбайнэз толбыт „Виль улон“ колхозлэн бусыаз кыллиз, али ке но отын на. Со сяна Вавож МТС-лэн кизён машинаез но культиваторез „Виль ар“ колхозлэн урамаз кыктэти арзэ сыло ини, МТС-ын ужасёс таёосты тодыса вылысь сельхозмашинаосты порядске пуктон понна саклыкёс чик уг вис'яло. Машинаослэн колёсаоссы жыйызы муз'еме выемын ни. МТС-лэн директорез Обухов но та машинаос вёзти кыкпол - куиньпол ортычылдыр ни, озы но номыре уг лэсты.

Районысьтымы колхоз'ёслэн вань котькыёе возможностьёсы ю октон-калтон азелы умой дасяськыны, уж борды кутсконэз гинэ кылиз на.

Вань октон-калтон машинаосты котькуд колхозын, МТС-ын уборочнойлы зеч-зеч дасяно. Та ужын жегатскон, урод кивалтон бадзым ыштон'ёсты лэстыонэ гинэ вуттоз.

## Тынэсьтыд подражать кариськом

Партия но правительство ныль сюрслэсь уно сельской школаосысь нимысьтыз вис'яськысь дышетисьёсты, соослэн отличной уж'ёссы понна соослы выли награда сётйзы.

Ми, шумпотонэн тодымы, что странаысьтымы лучшоесь дышетисьёсын ёш наградить каремын Вавож средней школаысь дышетйсь—Серафима Ивановна Шишкина но „Знак почёта“ орденэн. Ми, солэн азьло дышетскисьёсыз, али дышетйсьёс луыса, шумпотонэн солэсь урок'ёсёз тодамы ваньском. Солэн русской языкен но литератураен урок'ёсыз котькуно кыёе ке живой но интересной ортычло вал. Уно лыдзем но тодем гинэ потылыз!

Серафима Ивановна милемлы воспитатй кариз художественной литературалы яратон. Соин гинэ ми решить каримы луыны дышетйсьёсын—языковед'ёсын. Али школарын ужаса, ми тыршыськом солэь подражать карыны.

„Ленин'я“ газет пыр пёсь зечкыласьком Серафима Ивановнаез выли награда басьтэмынэз но желать кариськом азылаынын егит поколенез воспитать каронын но дышетон ужын вормон'ёс басьтыны.

Можгинской районысь Комьякской НСШ-ысь дышетйсьёс М. Дерягин, С. Дерягин.

## Колхоз бусыосын Бере кылисьёс азмынйсь радэ пото

Огзы бёрысе огзы азьвыл бере кыльса ужась колхоз'ёс, экономически лябесыес лыд'яськысь колхоз'ёс тулыс ю кизёнэн но пар гыронэн район'я азмынйсь радэ пото. Малькан сельсоветысь „Капчиятон“ колхозлэн ужан вал йыре 10 га гырон-кизён усе вал, со сяна ог 100 центнер сезыс Можгаысь кизён дыр'я ваёно луиз. Озы ке но валэс ю кизёнэн та колхоз бере ёз кылы. 26 майлы кизён вань культураос'я но пар гырон 100 процентлы быдэстэмын.

Та сельсоветын ик Слудка но Касихино колхоз'ёс каньыла, дыртытэк гинэ ужало. Валлы быдэ нагрузка 5—6 га усе, озы но пар гыронзы та дырозь быдэстэмын ёвёл на.

Малькан сельсоветлэн председателез Ожегов бере кылись колхоз'ёсёз передовой радэ поттон понна уно ужаз. Нош со вискын ёз вис'я втиманизэ азмынйсь колхоз'ёс шоры. Тичи соин азмынйсь колхоз'ёссыз бере кылыны кутскизы.

## Эшедлэсь кылёно ёвёл

Ст-Монья сельсоветысь „Виль ужась“ колхозын кык полеводческой бригадаос кылдытэмын, куд'ёсыз ваче куспазы ёшатскыса ужало. Соны соослэн договорзы но вань.

Договорын басьтэм обязательствосты быдэстон понна 2-тй бригада куиньметй Сталинской Пятилеткалэн нимыныз нима социалистической соревнование пырыськыса, выли урожай басьтон вылысь нюр'яське. Та бригадаысь колхозник'ёс пар гыронэз дыраз быдэстон понна сюлмысь ужало. Гырысьёс 0,75 га гырон интые, котькуд нунал 1,13 га гырыло. Ужан удысын, колхозник'ёс пёлын бригадир Кулябин эш, соку вуэм газет'ёсысь виль ивор'ёсгы лыдзылэ, валэктэ партилэсь но правительстволэсь постановлениосёз. Тани со бригадаысьтыз член'ёсыз пёлын проработать кариз ни

ВКП(б)-лэн Центральной Комитетэзлэн но СССР-лэн Народной Комиссар'ёсызлэн Советсылэсь „Колхоз'ёслэсь общественной муз'ем'ёсёс разбазаривать каронлэсь возманлэн мераосыз сярэсь“ постановленизэс но.

Соин ёш ик 1-тй бригада (бригадирез Ахметов) ёшатскыса ужаны басьтэм обязательствосты быдэстонлэн палназ. Татын гырысьёс тупатэм нормаез уг быдэсьяло. Ахметов ужасёсыз доре шер вуылэ. Стахановец'ёслэн лыдзы туж ёжит. Стахановской движенилэн паськыт ёвлымтэез со бордын, бригадир валэктон уж уг нуы, кин мар лэстытэм, урод-а, умой а соны ваньмыз яра.

Ахметовлы одно ик Кулябин эшлэсь пример басьтыса ужано. Соревнованиын эшедлэсь бере кылёно ёвёл.

Козлаков.

## Госпоставкаосты дыраз тыроно

Госпоставкаос'я агент'ёслэн но заготовительёслэн урод ужаменызы государственлы сйль но йёл тырон рай онамы чидантэм урод мынэ. Май толэзьлэн одйгетй но кыктэти декадаосаз сйль тыронлэн планэз 5 процентлы но йёл тыронлэн 2 процентлы сяна быдэстэмын ёвёл.

Государстволы йёл тыронэз маслзаводлэн директорез Пчелин ачиз тормозить каре. Со та дырозь йёл тырысьёслы расчётной книжкаосты гинэ но вручить ёз кары на. Сепараторной пункт'ёсын нуналлы быдэ кыкпол йёл принимать карон организоватй карымтэ. Районысьтымы 4 сепараторной пункт'ёсын 197 йёл сборщик'ёс, таёе армиен но Пчелин государстволы йёл сётонэз зеч-зеч организовать карыны ёз быгаты на.

Талэсь пёртэм ик уг ужа заготскотлэн управляющоез Киселев но. Со куд-ог сельсовет'ёсы пудоосты басьтон временной приемной пункт организовать кариз, нош пайдаез туж ичи.

Водзимоной приемной пунктэн Ст-Монья, Н-Бия но мукет соседней сельсовет'ёсысь 1120 кг. пудо принять каремын, нош со шоры учкытэк, что Водзимоная сельсовет приемной пунктлэн центраз, озы но та сельсоветысь май

толэзын 2 кролик гинэ сётэмын.

Сельсоветлэн председателез Невструев, РИК-лэн но ВКП(б) РК-лэн полномоченноез Смертин госпоставкаосты дырыздыр'я быдэстон понна колхозник'ёс пёлын номыр ёз лэстытэ. Соослэн госпоставкаос шоры таёе бездушно учкемынызы та сельсовет'я сйль тырон куашкаторн калэ вуттэмын.

Та сяна уноез председателёс госпоставкаосты тыронлэн палназ сыло, кылярысь, Малькан сельсоветлэн председателез Ожегов 1938 арлы государстволы 4,3 кг. сйль но 70 литр йёл ёз тыр на. Озы ик Г-Пудга сельсоветлэн председателез Чайников, Карсинскийлэн-Богданов, Брызгаловолэн-Юрин, Б-Докьялэн-Виноградов 1938 арлы сйль но йёл тыронэз ёз быдэстэ на. Сельсовет председателёс госпоставкаосты усилить карон интые бездействовать каро.

Госпоставкаосысь таёе недодел'ёс матысь нунал'ёсы изжитй каремын луыны кулэ.

Вань местной партыйной, советской но комсомольской организациослы та уезз по-большевицки возглавить кароно.

Ушков.

## СССР-лэн Верховной Советэзлэн нырысетй созывезлэн Куиньметй Сессиез

\* \* \*

### Союзлэн Советэзлэн 28 мае 1939 арын ортчем заседаниез сярэсь Информационной ивортон

28 мае, 6 часын жыт СССР-лэн Верховной Советэзлэн заседаниос ортыч'ян залаз, Кремльын, Союзлэн Советэзлэн нылетй заседаниез ортычиз.

Председательствовать каре—Союзлэн Советэзлэн Председателез депутат А. А. Андреев.

Эскероно уж—СССР-лэн 1939 арлы государственной бюджетэз сярэсь но СССР-лэн 1:37 арлы тупатэм государственной бюджетэзлэн быдэстемез сярэсь доклад'я прениос.

Прениосын выступить каризы депутат Н. Я. Наталевич (Служкой округ, Белорусской ССР), Т. Кулатов (Джалал-Абадской округ, Киргизской ССР), В. А. Малышев (Коломенской округ, Московской область) но О. Ф. Леонова (Свердловской округ, Москва городысь).

Прениос бырем бере Союзлэн Советэз кылэ докладчик-

лэсь—СССР-лэн Финанс'ёс'я Народной Комиссарезлэсь А. Г. Зверев эшлэсь но Союзлэн Советэзлэсь Бюджетной Комиссиезлэсь содокладчикезлэсь К. И. Николаевалэсь заключительной кыл'ёсёс.

Собере Союзлэн Советэз кутске СССР-лэсь 1939 арлы государственной бюджетэз голосовать карон но юнматон борды.

Союзлэн Советэз депутатлэсь К. И. Николаевалэсь предложениэз кутэ—СССР-лэсь государственной бюджетэз доход'ёслэн но расход'ёслэн раздел'ёссыя голосовать карыны, нош Союзной бюджетэз доход'ёслэн раздел'ёссыя и расходной частяз—ассигнованилэн общо й итог'ёссыя, расход'ёсты ведомствоос'я возматыса. Собере мынэ СССР-лэсь 1939 арлы государственной бюджетэз юнматон.

„Советской Социалистической Республикэлэн Союзы-

лэн 1939 арлы государственной бюджетэз сярэсь законэз“ Союзлэн Советэз статьяосёз нимаз-нимаз лыдзылысь, сое статьяосыз'я откылысь юнматэ, а собере быдэсак.

Депутат Г. Г. Буденколэн предложениэз'я, Союзлэн Советэз кутэ восстановление—СССР-лэн Верховной Советэзлэн эскероно уж'ёсыз пёлысь кыктэти вопросэз—СССР-лэн промышленной строительствозлэсь Народной Комиссариатэз кылдытон сярэсь, озы ик эскероно уж'ёс пёлысь куиньметй вопросэз—Союзной республикаосы автомобильной транспортлэсь Народной Комиссариат'ёсёз кылдытон сярэсь вопрос'ёсты кылыны но обсудить карыны Союзлэн Советэзлэн но Национальностёслэн Советсылэн огазын заседаниязы.

Союзлэн Советэзлэн Куиньметй Сессиезлэн нылетй заседаниез тани ворсаське.

## Партийно-воспитательной ужлэсь рольэ жутоно

МТС-лэн кадр'ёсызлэсь колхозын уноез уж'ёс зависеть каро. Соин ик та кадр'ёс пöлын бад'ым партийно-воспитательной уж пуктэмн лунь кулэ, чтобы соос государственной планэз быдэстон понна, горючоез шыр'ян понна но колхоз бусюслэсь урожайзэс жутоно понна социалистической обязательствоос бастыса мед ужалозы. Партийно-воспитательной ужлэсь таце рольэ МТС-ёслэн зам. директор'ёссы Репин но Рыбин ёз валалэ на.

Волипельга МТС-ысь политическая директорлэн заместителэ Репин ачиз но „ВКП(б) Историлэсь Краткой курсэ“ изучать уг кыры, кружокын изучать карись партиё выль пырем'ёсыз но организовать карыны уг сколмаськы. Социалистической соревнование возгласить ёз кары, самотеке лэзиз. Тракторной бригадоосын бордгазет поттонэн уг кивалты. Агитатор'ёс асьсэ инициативаеныз гинэ со бордын ужало. Соосын бусые ужаны потэмзы бере ноқыче семинар но совещани но ортчытэмн

ёвёл на. 17 тракторной бригадоосын 28 номер сяна бордгазет поттэмн ёвёл. Нош Дубовцевлэн но Безумовлэн бригадоосазы бордгазет уг ик поттыло.

Талэсь умой ик ёвёл партийно-воспитательной ужлэн мынэмез Вавож МТС-ын но. Директорлэн заместителэз Рыбин тракторной бригадоосы шер ветлэ. тракторист'ёслэсь кызы улэмзэс уг тоды. 1 номеро бригада Н-Котья колхозын 2 арня ужаз. Нош со кусын одйг номер но ноқыче газет ёз бастэлэ, литературазы бригадязы ёвёл, бордгазет одйг номер но ёз поты.

Стахановец'ёсты бюджетон бордын ужанзэс МТС-ёслэн директор'ёссы вунэтйзы, соин ик соослэн лыдзы каллен будэ.

Ляб пуктэм партийно-воспитательной ужлэн последствосыз сярэсь возматогаркыт МТС-ёслэн производственной показателёссы. Тулыс тракторен ужан планэз Волипельга МТС быдэстйз 61 процентлы, Вавож МТС—41 процентлы гинэ.

### Массовой уж урод пуктэмн.

Волипельгинской сельсоветы Н-Колногородо колхозын колхозник'ёс но егит'ёс пöлын массово-политической уж урод пуктэмн. Тулыс кизён вылтй одйг номер но бордгазет поттэмн ёвёл. Колхозлэн председателэз Мешин бригадоосы агитатор'ёсты но чтец'ёсты юматйз но соин буйгатыскыз, нош производствон стахановской движениэз паскыт вöлмытон'я нскыче уж ёз лэсты.

Пöртэм ик ёвёл пуктэмн воспитательной уж егит'ёс

пöлын но. Соос колхозлэн ог'я собраниосаз чем пуктыло вопрос'ёс: красной уголок усътон сярэсь яке художественной литературасты выписывать карон ласянь. Мешин та вопросэз обсуждать карыку „усътом красной уголок, художественной литературасты но выписать каромы яке бастомы“, шуыса егит'ёсты буйгатэ. Нош Мешинлэн обещаниосыз одйгез но быдэстятэ на, ваньмыз соос обещаниен ик кылызы.

П. Чайников

## Подписчик'ёслы газетэз дыраз вуттоно

Водзимонской сельсоветысь „Б-Водзимонье“ колхозыч Бакишева Наталья письмоноскок луньса ужа. Со подписчик'ёсызлы газет'ёсты, журнал'ёсты но письмооосты чем дыр'я 2-3 нунал бере кылыса сёт'я. Луыло на таце случайёс но, что Бакишева куд-ог колхозник'ёслэсь выписать карем газетсэс ас княз кельтылэ. 17 апрельсеп куткыса 11 май-озь подписчик'ёслэсь 80 газет кельтэм ини.

Водзимонской почтовой отделенилэн начальникез Клепиков Бакишевэлэсь таце урод ужамзэ тодыса но ноқыче ужрад уг куты. Таце урод уж'ёсты Б-Докья сельсоветысь письмоносец'ёс но лэстыло. Б-Докья начальной школаысь Меньшиков дышетйсь 1 январьсен 3 толезлы „Ленин'я“ газет выписать кариз вал. Нош со 3 толезэ кусын 3 номер гинэ газет бастйз.

А.А Барусков эш—Вологодской областысь, Борисово-Судской райзоотехникез—осовнахимлэн 12-тй лоторе е'я „М—1“ автомобиль утй.



Суред вылы: А.А. Барусков эш.

## Потребительёслы кулэ луньсь товар мед луоз

Асьме районьсь потребительской кооперацилэн системаез та дырозь ёз быгаты на ужзэ озы пуктыны, чтобы вуз каронэз нуны культурно но вискарятэк. Али ке но существовать каре на торговозаготовительной аппаратын потребительёсты нуналлы быдэ кулэ луньсь товар'ёсын снабжать кароньн неповоротливость. Соинтэк-а райцентрын но озы ик гурт'ёсысь сельпоосын нянен, тамакен, спичкаен но сахарен вузкароньн чем дыр'я вислуылэ.

Потребкооперация Экономсоветлэсь решениэз нарушать карыса, Гуляевской лесопунктын ужасьёслы 200 граммен нянь люкылэ. Таце факт'ёс райцентрын но бжыт уг луыло. Куд-ог нунал магазин'ёсысь пинь вискад поньны нянь пыры но уд шедьты.

Райпотребсоюзын ужасьёс кусын, курег'ёслэн кыче ке сионзэс вожмаськыса снемзы сямен, соку вуэм товар'ёсты, лужкемен кылык шöдэмлэсь, вожмаськыса люкылон'ёс но луыло гинэ. Кудйлыз сюресапег, кудйлыз час, мукетызлы плащ, велосипед но мукет. Тани солы яркыт фактэн уг-а луы, вузаны ваем карманной час'ёсты, 11 плащ'ёсты, велосипед'ёсты, сурон сапег'ёсты но мукет'ёсэс ваче куспазы люкылэм.

Потребкооперацилэн вуз карон ужыстыз улгозяд адзылымтэ комедиосты но адзылоно луылэ. Сельполы туэ арын курегпуз заготовить карыны кыче ке но сыче план сётэмн вал. Татысь ужасьёс та планэз быдэстон пöнна кема ик малпаськытэк амал шедьтйзы. Вуттозы кыче ке дефицитной товар бо тинкаос-а, сукно-а ваньмыз курегпузлы кошке. Пайщик'

ёслэн очереддын сьлэмзы чик юнме быре. Озы ини, потребкооперациын ужасьёс понна членской книжкаосын вузкарон непричем.

Тани Г-Пудга сельпое сукно ваемн вал, кудйз луыны кулэ вал вузамын член'ёслы, нош со ваньмыз курегпузэн гинэ сёт'ямын.

Таиньыз но уш'ясыкымон ик ёвёл. Кема дыр чоже ни потребсоюз культмаг усътэ. Учконо ке туннэ но усътэмн ёвёл на. Культтовар, пе, ёвёл, озы шуо татысь ужасьёс, соин, ше, ум усътйске.

Сюлэм чидатэк юано луз ини. Кил, бен, райпотребсоюзлы товар в'ёз? Нокин уз. Кыче ке дяляос вайыса уз сётэ, аслиз вайыны усэ. Бен, соослэн товар ворттыны куд-ог колхоз'ёсын договор заключить каремзы но вань ук. Озы бере райисполкомлэн президиум'ёстйз но кытй ке мукет интыостй Мансуровлы но вал утчася ветлыны ик кулэ ёвёл. Мыноно договор заключить карем колхозэ вал курыны, собере ваёно товарез.

Райпотребсоюзлы вуз карон ужез выжыеныз перестроить кароно. Ёвёл лэзёно со ужын ноқыче нарушениосты, кызы али нарушать каро тросэз вуз карись организациос. Товарез курегпузлы гинэ сёт'яса, коньдонлэсь лыдзэ'ыштоно ёвёл. Ману'актура метрез 20-25-40 курегпузэн гинэ дун'ямын медаз луы, озы ик членской книжкаос'я но вузамын мед луоз.

Одйг кылын вераса, выль верам сямен, вуз кароньн пичи но нарушениосты лэстытэк, потребительёслы кулэ луньсь товарен вуз каронэз вискарятэк нуоно.

## Фашистской агент'ёс

(Судлэн залысьтыз)

Пограничной городокысь ульсь калыклэсь соос внешне бжыт выделяться кариськылызы. Мумиз кооперативной учреждениын машинисткаын ужаз, нылыз. средней школаез быдтыса, кузпал доры мыныны понна подходящей случай витыса улйз. Соослэн азыло дырын пичигес имениз вал, туэ со граничалэн со палаз шедемын. Азыло помещица, али собственной трудныз аслыз сион утчаны вынужденной луэм адями, но кызы но сое вунэтыны ёз быгаты.

Кызы ке городэ солэн кыдкысь пинал дырызлэн эшез вуиз—имениез'я аслаз иськывынэз. Почти 20 ар орчтем ар'ёс соослэн берло адкемзы дырысь, бжыт воштйзы сое. Со азыло сямен энергичной, деловитой вал. Сыче адями юнме уз лыкты. Земзэ но солэн важной уж'ёсыз вал.

—Тй, Нина Аркадьевна, монэ зеч тодыськоды,—тйлед гинэ мон довериться кариськыны быгатйсько. Ужмы асьмелэн одйг, и тй быгатоды милемлы юрттыны.

Со одйг фашистской государстволэсь стройзэ уш'яны ёд'яз, кудйз солэн верамез'я имениез азыло владелец'ёслы возвратить карыны быгатоз.

—Туж умой юрттыны быгатоз тйляд Леночкады. Со глупой ёвёл, егит, чебер. Со аслэстыз согласизэ гинэ мед сётэз. Вань кылемез сярэсь ачим мон сколмасько но оскемыным, со чудесаос кылдытоз! Вераське нылыдыны но гожтэ мыным.

Елена мумизлэн антисоветски настроенной влияниез улсын улйз. Мумиз нылзэ уговорить кырыса, нылыз шпионка луыны кылзэ сётйз.

Условленной адресэн ыстэмын вал письмо. „Леночка согласна“. Адресат жегатскытэк вуиз.

—Малпалэ,—вераз со нылы,—уж туж серьезной. Тй та сюрес вылэ султйды—палэнскон сярэсь вераськонэз ик уз луы. Тй мыным беспрекословно подчиняться кариськоды но котыкыче неповиновениды тйлед дуно усэз.

Нырысьсэ ик со юалляськыз, кин военнотрудовойёс пöлысь Елена сьбры ухаживать каре. Сычөсыз трос оказаться кариськызы но соос пöлын—погранотрядлэн шоферез, кудйз кема но ноқыче азинлыктэк Еленалэсь взаимностьсэ добиваться кариськылйз.

—Погранотрядлэн шоферез? Та туж умой!—шумпöтйз шпион. Бызе солы но шудоесь луэ!

Толзэ ортчыса сюан луиз, собере толзэ улыса Елена бастйз нырысетй задание: кулэ вал тодыны, кызы определенной участокин охранятысь кариське советской граница, кöня отын заставаос, ку но кыче поводэн границалэн охранаез усиливаться кариське.

Шпионкалы сое тодыны луиз солэн егит куспалызылэсь. Бастэм сведениоссэ со мумизлы сётйз, кудйз аслаз пинал дыр'я эшеныз матысь связь возылыз.

Кыктэтйез задание эшшо конкретнойгес вал: тодыны, кыче сосыниын пограничной выж находится кариське. Нырысь ик пиосмуртэзлэн со районэ мынон дыр'яз Елена соин чош мынйз. Со ачим выжез учкыса, ваньгез умой-умой мумизлы валекгйз.

Елена активно тодмоосэ паськытатыны кутскйз. Со егит, интересной вал, кулэ калыклэсь ас вылаз вниманизэс обращать карыны быгатэ вал. Военнотрудовойёс пöлын бергаса, со служебной вераськон'ёсэс подслушивать карылйз аслаз руководителэзлэн заданиез'я военной тайнаез выведывать карылйз.

Шпион аслаз ученицаеныз восхищаться кариськылйз.

Жлен со ивортэ солы, что дыр вуиз ни бад'ымгес ужез занятысь кариськыны.

—Шофер быдэсак асьмемын использовать каремын ини. Солэсь табере номырзэ но уд ни пызырты. Кызы тй малпаськоды, бад'ымгес командир'ёс пöлысь кудйз тйленыды увлекаться кариськоз?

Тужгес яраноен луиз одйгез вуж тодмо полклэн командирезлэн юрттйес.

—Сыче дыр'я люкыське шоферен но солы бызе.

Семейной улонэз воштон Еленаен туж ловко лэстэмын вал. Выль положениын тодмооссылэн кругыз эшшо но паськытомиз. Квартирае вуылйзы пиосмуртэзлэн службаз'я эш'ёсыз. Увлекательной хозяйка ноқыче подозрнитэк куно пумитасен вал.

Коркан вераськон'ёс служебной темаос'я мынылызы, хозяйка соосты запомнить карылйз, а удобной случай дыр'я пиосмуртэзлэн полевой сумкаяз рытьса кариськылйз. Вакчи дыр кусын со тодйз кöня гарнизоньн склад'ёс но кызы соос возмасько, отдельной частьёслэсь вооруженной соостыниэз тодйз но трос пöртэм мукет военной секрет'ёсты. Ваньзэ шедьтэм сведениоссэ со сёт'яз мумизлы.

Куд-ог командир'ёслэн моральной неустойчивостенызы шудыса, предательница воен-

нослужащейёслэн семья пушказы пырыса, соосты фашистской шпион'ёслэн невольной агент'ёсыныз карылйз.

Мумиз но нылыз советской разведкаен разоблачать каремын. Киевской нимыстыз военной округлэн военной трибуналез кыкназэсты ик шпион'ёсты ыбыны приговорить кариз.

Озы ик суровой наказание нуизы военнотрудовойёс, куд'ёсыз ыштйзы большевистской бдительностьсэс, куд'ёсыз фашистской разведкалэн визназэз шедьса шпионлы военной тайнаез выболтать каризы.

Л. Соловьев („Красная звезда“).

Отв. редактор Антропов. Поттйсь Райисполком

## Ялон

Ср-Волково сельсоветысь „Итчи“ колхозэ 28 мае уйин кузёэм пеймыт-тöри эр вал вуиз. Мукет приметаосыз: кымесаз тоды звезда, изнэ саз бур пала усемыл.

Итчи колхозлэн правлениез.